

## **UGOVOR USLUGE OSIGURANJA ( UPOSLENIKA I SLUŽBENIH VOZILA)**

### **I UGOVORNE STRANE**

#### **1.NARUČILAC USLUGA:**

**Fond Kantona Sarajevo za izgradnju stanova** za članove porodica šehida i poginulih boraca, ratne vojne invalide, demobilizirane borce i prognane osobe, ul. Hivzi Bjelevca br.54 , 71000 Sarajevo, koga zastupa Mirza Emirhafizović dipl.ing.geod. (u daljem tekstu: **Naručilac**)

#### **2.DAVALAC USLUGA:**

" **SARAJEVO - OSIGURANJE d.d. SARAJEVO** ", ul Maršala Tita br. 29, 71000 Sarajevo , koga zastupa direktor društva Kulić Arif dipl.pravnik

### **II PREDMET I OBIM UGOVORA**

Ugovorne strane su utvrdile, da je putem Konkurentskog zahtjeva za dostavu ponuda za nabavku usluge osiguranja ( uposlenika i službenih vozila Fonda) za potrebe Fonda Kantona Sarajevo za izgradnju stanova izabrana je kao najpovoljnija ponuda Davaoca usluga broj: 01-1815/19 od 03.04.2019.godine.

#### **PREDMET UGOVORA**

član 1.

Predmet ovog ugovora je regulisanje odnosa između ugovornih strana vezanih za vršenje usluga osiguranja službenih vozila Fonda i kolektivnog osiguranja zaposlenika od posljedica nesretnog slučaja – nezgode za potrebe Fonda Kantona Sarajevo za izgradnju stanova, u skladu sa tenderskom dokumentacijom i ponudom Ponuđača broj : 01-1815/19 od 03.04.2019. godine , koja je sastavni dio ovog Ugovora.

#### **POGLAVLJE I – OSIGURANJE SLUŽBENIH VOZILA**

član 2.

Predmet osiguranja su službena vozila:

- Kasko osiguranje ( potpuno kasko bez franšize);
- Osnovno osiguranje;
- Zeleni karton .

#### **CIJENA - PREMIJA OSIGURANJA SLUŽBENIH VOZILA**

član 3.

Ugovorena premija osiguranja **službenih vozila** u skladu sa ponudom Davaoca usluga br.01-1815/19 od 03.04.2019. godine, koja je sastavni dio ovog Ugovora, iznosi 2.602,90 KM (slovima: dvijehiljadešeststotinadva KM i 90/ 100 ). Navedena premija osiguranja oslobođena je od plaćanja PDV-a. (čl. 25 Zakona o PDV-u).

Za osiguranje službenih vozila izdati će se posebne police o osiguranju vozila, kojima će biti definisano mjesto osiguranja, predmet osiguranja i sume osiguranja, a sve u skladu sa ponudom Davaoca usluga br. 01-1815 /19 od 03.04.2019. godine.

## **POGLAVLJE II - OSIGURANJE UPOSLENIKA OD POSLJEDICA NESRETNOG SLUČAJA ( NEZGODE )**

### član 4.

Osiguranci:	Uposlenici Fonda Kantona Sarajevo za izgradnju stanova, sa sjedištem u ul. Hifzi Bjelevca br. 54. prema dostavljenom spisku.
Korisnik osiguranja:	Prema Općim uvjetima za osiguranje osoba od posljedica nesretnog slučaja (nezgode) i Dopunskim uvjetima za kolektivno osiguranje radnika od posljedica nesretnog slučaja.
Osigurani slučaj:	Iznenadni i od volje osiguranika nezavisni događaj koji se desi pri vršenju i izvan vršenja redovnog zanimanja (24 sata), a ima za posljedicu osiguranikovu smrt, potpuni ili djelimični invaliditet.
Uvjeti osiguranja:	-Opći uvjeti za osiguranje osoba od posljedica nesretnog slučaja - nezgode sa oznakom EU-U01.00.01  -Dopunski uvjeti za kolektivno osiguranje osoba od posljedica nesretnog slučaja i smrti usljed bolesti sa oznakom EU-U01.01.02 -TABELA INVALIDITETA za određivanje trajnog gubitka opće radne sposobnosti uslijed nesretnog slučaja

## **OSIGURAVAJUĆE POKRIĆE**

### član 5.

Uposlenici Naručioca usluga osiguranja po spisku su osigurani po slijedećim osiguranim sumama za osigurane slučajeve:

1. SMRT USLJED NEZGODE-----	I . = 45.000,00 KM
2. TRAJNI INVALIDITET -----	II . = 95.000,00 KM
3. BOLNIČKA NAKNADA ZBOG NEZGODE -----	III . = 15,00 KM
4. TROŠKOVI LJEČENJA -----	IV . = 3.000,00 KM
5. SMRT USLJED BOLESTI -----	V . = 5.000,00 KM

## **OBAVEZE DAVAOCA USLUGA**

### član 6.

Davaoc usluga se obavezuje da će korisniku osiguranja u skladu sa odredbama Uvjeta za osiguranje isplatiti naknadu iz osiguranja u visini:

- Osigurane sume za slučaj smrti usljed nezgode ukoliko je usljed nezgode nastupila smrt osiguranika;
- Osigurane sume za slučaj smrti usljed bolesti;
- Osiguranu sumu za slučaj invaliditeta ukoliko je usljed nezgode nastupio potpuni 100% (posto) invaliditet osiguranika;
- Postotak osigurane sume za slučaj invaliditeta koji odgovara postotku djelimičnog invaliditeta/prema tabeli za određivanje trajne radne nesposobnosti i invaliditeta;
- Naknadu/povrat troškova liječenja - ukoliko su nastupili stvarni i nužni troškovi liječenja uslijed nesretnog slučaja - nezgode do ugovorenog iznosa po priloženim računima.

## **CIJENA – PREMIJA OSIGURANJA LICA**

### član 7.

Ugovorena premija osiguranja iznosi 6,00 KM mjesečno po svakom uposleniku .  
Ukupna godišnja premija osiguranja za 37 uposlenika iznosi 2.664,00 KM ,  
(slovima : dvijehiljadešeststotinašezdesetčetiri KM i 00/100 ). Navedena premija osiguranja oslobođena je od plaćanja PDV-a. (čl. 25 Zakona o PDV-u).

Za osiguranje uposlenika od posljedica nesretnog slučaja (nezgode) izdati će se polica osiguranja u skladu sa ovim Ugovorom. Naručioc usluga osiguranja se obavezuje da će dostaviti spisak osiguranih osoba. Početno brojno stanje zaposlenika je jednako brojnom stanju na dan zaključenja police osiguranja.

Naručioc usluga osiguranja je u obavezi da pismeno obavjesti Davaoca usluga o personalnim promjenama ili promjenama brojnog stanja zaposlenika u toku trajanja osiguranja. Shodno navedenom, Davaoc usluga će obračunati i fakturisati Naručiocu mjesečnu premiju osiguranja u skladu sa stvarnim brojem zaposlenika za određeni mjesec po dostavljenom spisku od strane Naručioca usluga osiguranja.

## **UKUPNA VRIJEDNOST UGOVORA**

### član 8.

Ukupna vrijednost Ugovora o uslugama osiguranja ( uposlenika i službenih vozila), u skladu sa ponudom Davaoca usluga br. 01-1815/19 od 03.04-2019. godine , iznosi 5.266,90 KM (slovima : pethiljadadvijestotinešezdesetšest KM i 90/100 ). Navedena premija osiguranja oslobođena je od plaćanja PDV-a. (čl. 25 Zakona o PDV-u).

## TRAJANJE UGOVORA

### član 9.

Ugovor se zaključuje na period od godinu dana i to za period od 15.05.2019., odnosno zavisno od isteka osiguranja za pojedina službena vozila u 2020. godini za usluge osigurnja službenih vozila i za period od 30.08.2019. godine do 30.08.2020. godine za usluge osiguranja uposlenika.

## NAČIN PLAĆANJA

### član 10.

Naručilac usluge se obavezuje da će Davaocu usluge za pružene usluge osiguranja, opisane u ovom Ugovoru, platiti iskazani iznos novca, po ispostavljenom računu žiralno-virmanski sa rokom od 30 (trideset) dana od dana dostave, koji će predstavljati osnov plaćanja. Premiju osiguranja po svakoj izdatoj fakturi Davaoc usluga će platiti u roku od 60 dana od dana ispostavljanja iste. Premija obaveznog osiguranja AO platit će se prilikom izdavanja police osiguranja, u zakonskom roku.

## OSTALE ODREDBE


### član 11.

Sve eventualne nejasnoće nastale po ovom Ugovoru ugovorne strane će rješavati sporazumno. U slučaju eventualnog spora, nadležan je Sud u Sarajevu. Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

Ovaj Ugovor je sačinjen u 4 (četiri) istovjetna primjerka, za svaku ugovornu stranu po 2 (dva) primjerka .

**NARUČILAC USLUGA  
DIREKTOR**

  
Mirza Emirhafizović dipl.ing.geod.

Broj: 01-04-23-  
Datum: 03.05.2019. godine

**DAVALAC USLUGA  
DIREKTOR DRUŠTVA**

  
Kulić Arif dipl.pravnik

Broj: 01-2580/19  
Datum: 10.05.2019.